

Na osnovu člana 4.2 Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11) i člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05), na sjednici Državne regulatorne komisije za električnu energiju, održanoj 3. septembra 2020. godine, donijeta je

ODLUKA

O ODOBRENJU MAKSIMALNO MOGUĆE SNAGE PRIHVATA IZ NEUPRAVLJIVIH IZVORA ELEKTRIČNE ENERGIJE

1. Odobrava se prijedlog inovirane maksimalno moguće snage prihvata iz neupravljivih izvora električne energije u elektroenergetski sistem Bosne i Hercegovine sa stanovišta mogućnosti regulacije sistema, utvrđen dokumentom Nezavisnog operatora sistema u Bosni i Hercegovini (NOS BiH) broj 808-2/20 od 25. augusta 2020. godine, u iznosu:
 - 840 MW za vjetroelektrane i
 - 825 MW za fotonaponske elektrane.
2. U odsustvu jedinstvenih kriterija za raspodjelu maksimalno moguće snage prihvata iz tačke 1. ove Odluke između Federacije Bosne i Hercegovine i Republike Srpske, Državna regulatorna komisija za električnu energiju (DERK) poziva njihova nadležna tijela da u skladu sa dosadašnjom praksom usaglasе međusobnu raspodjelu, uz mogućnost ustupanja jedne tehnologije u korist druge, ali uz poštovanje veličina definiranih ovom Odlukom.
3. DERK, NOS BiH i Elektroprijenos Bosne i Hercegovine bit će pisanim putem informirani o usaglašenoj raspodjeli, koja će biti relevantna za potrebe vođenja registara obnovljivih izvora električne energije.
4. Obavezuje se NOS BiH da, u skladu sa razvojem sektora i tržišta električne energije u Bosni i Hercegovini i regiji, kontinuirano vrši potrebne analize i DERK-u dostavlja inovirane utemeljene prijedloge maksimalne moguće snage prihvata iz neupravljivih izvora električne energije.
5. Obavezuje se NOS BiH da kontinuirano, a najmanje jednom u šest mjeseci, izvještava DERK o svim aspektima primjene ove Odluke, uključujući raspoloživost regulacijskih rezervi, status regionalnih inicijativa i projekata Evropske mreže operatora prijenosnog sistema za električnu energiju (ENTSO-E) koji se odnose na prekograničnu razmjenu regulacijske energije, te ekonomsko-finansijske aspekte integracije neupravljivih izvora električne energije u elektroenergetski sistem BiH.
6. Obavezuje se Elektroprijenos BiH da svakih šest mjeseci dostavlja izvod iz Registra podnijetih zahtjeva korisnika za priključak na prijenosnu mrežu koji se odnose na neupravljive izvore električne energije, kao i pregled takvih objekata priključenih na prijenosnu mrežu.
7. Pozivaju se i druge institucije da, u okvirima svojih nadležnosti, poduzimaju aktivnosti koje su usmjerene na povećanje proizvodnje električne energije iz neupravljivih izvora.
8. Stupanjem na snagu ove Odluke prestaje da važi Odluka o odobrenju maskimalno moguće snage prihvata iz neupravljivih izvora električne energije broj 05-14-2-188-11/18 od 14. marta 2019. godine.
9. Ova Odluka stupa na snagu danom donošenja, a bit će objavljena u "Službenom glasniku BiH", službenim glasilima entiteta i Brčko Distrikta Bosne i Hercegovine.

Broj: 05-14-2-276-2/20
3. septembar 2020. godine
Tuzla

Predsjedavajući Komisije
Nikola Pejić